

FRETVM MAGELLANICVM.

mus duabus navibus, quarum una Concordia, altera Hornæ dicta fuit, idque a spiciis & manda-to Illustriss. Ord. Generalium, & Illustriss. Principis Mauritii, ductu & moderamine Iacobi le Maire Præfecti, & Wilhelmi Schouten Navarchi, ad explorandas, ac detegendas terras Australes) tandem post longa jactationis tædia, & maris discrimina, detexisse ac transvisse igno-tum in hunc usque diem Fretum, per quod è mari Septentrionali in mare del Zur, sive Australi delati sumus, positum supra Fretum Magellanicum & annexas ei insulas, in altitudine grad. 55 & 59 minutorum: atque hic mare Se-ptentrionale cum Australi concurreré faciliori ac breviori via, quam per Fretum Magellani-cum; insuper affirmantes, ignorare nos, hanc viam aliis ante nos innotuisse, ideoque primos nos insulis tribus in mari jacentibus versus Eu-ronotum, si Americam respicias, indidisse no-mina Ordinum, Mauritii, & Barneveltii; Fre-tum ipsum appellavisse Fretum Iacobi le Maire: ideoque jure meritoque nos in Fretum ac ma-re istud insulasque possessionis ac prærogativæ titulum nobis vendicare, idque nomine poten-tissimorum Ordinum generalium, & Principis Mauritii. In cuius rei fidem nos manu propria hisce litteris subscriptissimus. Actum in navi Con-cordia.

Iacobus le Maire Præfctus.

Wilhelmus Cornelii Schouten Navarchus.

Iohannes Theodori Hornanus, Gubernator pri-marius navis Hornæ.

Conradus Theodori ab Oosterblocker secundus à Gubernatore ejusdem navis.

Nicolaus Perri ab Oosthuysen Gubernator Concor-die.

Cornelius Kinerz à Rydam secundus à Guber-natore Concordia.

Postquam vero ad Regem Hispaniarum per-latum esset, de Freto hoc, & rem ita se habe-re ex fide dignis autoribus accepisset, duas Lis-bonæ naves adornari jussit, instructas viris 60 & commeatu in biennium, omnique appara-tu bellico, quas ad explorandum Freti hujus novi situm misit, postquam gubernatores & naucleros Hollandos, inter quos fuit quidam Iohannes de Witte Amsterdamsis, sibi ad eam rem comparavisset. Solvebant ha' naves mense Octob. anno 1618 è portu Lisbonensi, duce Iohanne de More, cui hoc specialiter manda-tum, ut diligenter attenderet, num qua ratio-ne aditus ac transitus hujus Freti exstructis in littore utroque munimentis intercludi aliis posset. Ille itaque lecto Brasiliæ littore, ac præ-tervectus Fretum Magellanicum, ad Fretum Le Maire pervenit, cuius situm tales deprehen-diderunt, qualem in Tabulis Geographicis de hac navigatione editis, ac præsenti quoque Tabula videre est. Hoc solum discrimine, quod non eam illi esse latitudinem, quæ in tabulis annotatur, affirmarent. De longitudine Freti, nempe eam esse septem milliarium, idem atte-stabantur.

